



不來堂文集初稿


詩部

坤

丁

和
1415
2止

屬附學大田稻早
館書圖
寄第一
漢詩文
第 605 號
第 2 卷
出帶許不外館書此



和
1415
2止



題詞

春涯 杉江弼

此翁非隱又非儒官暇吟詩獨自娛體物緣情能得實措辭何必說精麤

溫山川北重憇

信陽風雪幾清新疑有斯文在個人深谷名山河用祕融通一任大都春

栗園淺田惟常

文簿場中自有人幾篇即興儘天真試看樂地存名教何必風流屬隱倫

樂真 高川傳

披卷閱來長短章，恰如春卉鬪芳芬。我非狂舞塗花叟，味盡篇中種々香。

五山 池桐孫

鞅掌身為吏，優游跡是儒。神將超雪嶽，心自在冰壺。飲社歡能足，吟場興不孤。飛騰元未晚，何必問頭顱。

不求堂文集初稿目錄

風雅體一首

詩四言二首

古樂府二首

五言古詩一首

七言古詩二首

長短句一首

三五七言一首

五言律詩四首

五言排律一首

六言律詩一首

六言排律一首

七言律詩十四首

七言排律二首

五言絕句七首

六言絕句五首

七言絕句六十一首

前對格一首

後對格一首

仄韻詩一首

物體一首

詩餘三首

小言詩一首

五言詩一首

六言詩一首

小言詩一首

三言詩一首

六言詩一首

古樂府二首

正言詩一首

風雅體一首

長言詩一首

不求堂文集初稿卷之三

正言詩一首

風雅體一首

四言二首

不求堂文集初稿目錄

不求堂文集初稿卷之三

信陽縣吉田清著

男 為慎 校

風雅體

鬱蔥松竹在彼廈屋坦々御宇黔首繁毓
之歡也

鬱蔥松竹在彼廈屋坦々御宇黔首繁毓

醇々椒酒尊卑酌之坦々御宇夙夜娛之

蕩々君子左右嵩之坦々御宇夙夜好之

鬱蔥松竹三章章四句

詩四言

衡門

衡門之下有詩有書載讀載誦爰懷軒虞豈好名利
愛此幽居晝為沈陸夜偃敝廬
衡門之下有詩有書或舒或卷爰罄我娛豈求他好
樂是閑居朝為仕隱夕安蝸廬

古樂府

塘上行

蘆荻塘上滿綠葉無長短有時人採之採時猶菲々
秋風忽已生白花轉飄零飄零我亦齊齊是嘆分離

遠鄉不可望各隔水中央日夕想像深淚下濕衣襟

雞鳴歌

明月粲兮月傾五更將曙雞鳴萬戶聲頻半啓扉
客宴罄情巨勝悵焉揮手遠相去離歌一唱淚不停

五言古詩

武州新歲作

四海昇平日邀年僉祝初門々植松竹戸々作歡娛
灑水壓塵芥揮箒成掃除謾酌屠蘇酒非是下品醜
佳肴滿盤面總知遠來魚男女會遊處各自似關雎
頻年連豐熟民有九年儲獸肉亦不鮮况乃富菜蔬

酒旗饒市上無復見軍旗全是亦不神君德蒼生樂
有餘我儔不肖者恰如晝寢予真成是何幸終日得
看書古人稱至樂底事求名譽且為有詩癖日夜惜
居諸誠多木瓜句曾無詩璠璣不憂朋友少披帙孤
卷舒吾在邸舍裡日作此都居出則繁華地入復閑
靜廬雖有文人至常與世俗疎人言滯書籍任他呼
癖如幸哉生治世歡情聊復攄

七言古詩

清朝南京張秋琴為我邦西子璉題其所著蓬
蒿詩集後而子璉以示余聊次其韻

知君遊燕京日夕翫文藻麗句優成篇樂以忘身老
薄言誦此章倏使憂心埽聲譽溢吾邦終還異域造

次韻原采蘋女史詠櫻花

東方曾誇第一芳今古擅名翰墨場數種雖然有遲
速翕然偕喚號花王櫻町藤公尤愛此看自朝陽到
夕陽海棠牡丹非不美爭及此花吐奇香商舶偶載
芳根去挺然不肯生異方借問何世初珍賞
履中天皇是濫觴芳體嬌容畫不就淺紅淡白真似
妝最憐芳野山櫻種折取來人有斐堂

次韻肥前藩吉邨光父丙午江戶火

次韻肥前藩吉邨光父丙午江戶火

臘尾春頭多烈風料峭寒意猛如衝負郭失火盛炎
熾赫々烟氣數里紅老大穉幼爭先遁救火吏出隊
隊從弄捐身命防不得邸第市廛一時烘幾多佛刹
委灰塵破斷器財鑠鐵銅欲禳栢梁災患事汲井澌
水若飛瀧可憐焦頭爛額者誰復不厄丙丁童萬眾
見此延燒急各使心胸太恟々人々拋命務撲滅困
憊終作人力窮狂風吹卷遠飛越併焚巨船燿大江
猛火縱橫何可敵慄炎熾突如火攻灰燼山堆絕來
往都下萬戶倏成空只言丙午火災夥果知遇此回
祿凶到處窮民失居處忽發官倉蒙恩洪

纔免飢渴伏地喜總仰仁慈與天同此災莫嘆
元有命安知失馬如塞翁

長短句

漁父詞

漁父從來無曆日也迎一歲不知新河畔柳園中草
鬱々蔥々自作春

三五七言

歲旦

歲年改日初新籠中黃鳥轉瓶裡白梅春翠竹蒼松
倍添綠祥雲瑞靄遍九垓

右倣元鄭允端之體

五言律詩

五山堂詩筵同賦梅雨川老杜韻卽事作

積雨連旬日雷聲未斷梅庭中無蝶至齋裡少人來
鬱々眠先就濛々顏叵開農家最相苦村廟祈晴回
偶成

儂元謗劣才養素不求財酌酒明窓下賞花長塢隈
曾無諸貨殖只閱雜書堆官暇何攸樂醉來笑解頰

乙酉四月送男爲慎從

侯駕之紀州

從 駕紀州往清和初夏天奉 君思義烈對

僕作哀憐能慎寒兼暖應惶山與川我唯非計日總
是待歸旋

五言排律

風光浮草際嚶々社課題

春色雖云至園林未著花餘寒方解散微暖頗柔嘉
池上看融凍草根纔出芽最憐漸添綠何嫌尙如牙
楊柳染黃淺女兒拾翠譚舒楮毫叵下鍊句手成叉
從是風流客烟霞疾詎瘥

六言律詩

峽中作

峽中長路遙懸客裡短筇獨牽鳥度一時烟水人超
幾日山川白雲東嶺西嶺明月前阡後阡嗟嘆江都
役去惟看野草芊芊

六言排律

元日作

歲終月始成新候換時移迓春春淺山殘白雪客多
道起紅塵賒醇酒屢招友攜女兒增賽神處々樓歌
舞鬧家々席醉遊頻庭際皆歡美景世中齊賀良辰

七言律詩

春望

霸城南北又東西日々憐春興不空塘草芊々全展
綠林花灼々半黏紅醉來何別酒賢聖詩就唯爭句
拙工小子幸生清穆世喜看造化巧無窮

櫻下春楓

春楓最愛勝秋楓櫻樹開邊別弄紅嫩葉欺花露曉
雨低枝敷錦曝東風只欣凋落曾無管却恨胭脂稍
欲空灼々餘光映來好遊人猶在夕陽中

酒色天

山花紅蔟恰如燃天色醺然相映妍景美收來囊底
句興豪費盡杖頭錢七賢先出竹林裡三笑已過蓮

社邊拋却風塵人事鬧，浮生半日學神仙。

新茄子

四月頭番駿州產，崑崙瓜實最爲先。形如紫玉偏堪賞，苞帶黑鍼殊可憐。便造和羹自甘脆，也成蒸炙勝肥羶。世間此物不可欠，能使五藏勞氣痊。

春賦甲陽猿橋

驛路峽中曾討尋，馬蹄當日去駸々。危橋架得崖千尺，暗水鳴流澗萬尋。恰有紫藤懸赤壁，剩看素瀑落青岑。東還西往人停足，此處誰無動客心。

秧馬

傳聞秧馬事泥行，製得田家農具成。日趁晨昏何用秣，時逢風雨不曾鳴。如橈自在來能去，似獸無心縱亦橫。試取東坡詩集讀，如今子細識其情。

呈長島老侯

魏々鶴舞城南隈，數畝別莊茲上來。蘆荻蒼々繞江渚，松筠鬱々覆樓臺。畫如烟霧維摩手，書似龍蛇逸少才。千載此功稱不朽，太公聲譽如鳴雷。

輻詩天

祝融已去暑威蠲，最喜逢秋氣爽然。莎際吟蟲猶可聽，庭中叢菊儘堪憐。偶乘逸興清宵步，且得餘閒白

畫眠恰是輕寒輕暖日如今方好賦詩天

芝神明薑市并引

神明勸請 天照皇太神也先王之制諸國

勸請 皇太神者號曰神明此地總名曰芝

故俗曰芝神明生薑祭也芝者神仙靈瑞之草也

爾雅註茵芝也一歲三花瑞草也劉禹錫云王者

仁慈則芝草生也乾薑久服去臭氣通神明故祭

祀中市上鬻生薑乎

咫尺城南芝巷中神明爭賽客成叢一年三百旗亭

關九月連旬薑市隆根能躡踞皮旋紫葉自青蔥莖

小紅孔聖由來不撤食方知此物有奇功

應古田氏需詠葡萄

滿架葡萄秋半時壓棚密葉翠尤滋蔓延恰似龍鬚

卷菓纍都如馬乳垂畏日迎涼宜下榻濃陰待月可

傾卮平生釀酒真甘美老去鬢毛猶未衰

十月櫻

何似蜂偷蝶醉時奇芳別向小春披瓊英遠望疑霜

色玉蕊近看驚雪肌違節稱王非是僭怯風禱命豈

其癡因思勢驛觀音寺不斷雖開少客知

四時花發故謂之不斷櫻非東坡集註所謂花不

以時開之類也

應需賀彥根侯世臣巖泉烏白翁八十壽

傳言淡海一閑翁家在青山綠水中幾軸詩文樂無限滿床書畫興何窮椿花八十心猶壯萱草六旬顏似童只答郎君需我切祝詞豈管拙兼工

讀兄武見龍杵歌

鷺水南涯一小茅杵歌山々務農郊確坊等采采全熟禪室嚟茶茶亦拋多謝盧能方外友更憐龐老社中交平生戚々何求利偈是杜康詩是有

夢鶴

鶴禽羽族真尤物祝得世間千歲齡丹頂頻回黑光眼玄裳相映縞衣領天邊隨意高翔勢池土自由翹立形標格分明來入夢多時偏喜睡魂馨

七言排律

賀菊池五山七十初度

自古稀逢七十霜詩篇况富五千強門徒相議先開宴親友盍簪齊舉觴腰未鞠躬聽視爽面無起皺髮毛蒼長生何借歲星力君子元存却老方美酒佳肴紛溢席妙文麗句各登場從是更祝無疆壽同唱南山第一章

今茲乙巳余齡六十八月念日實為生辰作此
自賀

向老今吾亡弟兄獨娛風月養殘生髮毛纔白六旬
歲脚力何勞數十程且喜微軀飽恩澤豈圖聖代浴
昇平齒牙耳目猶堪役詩酒琴書可結盟夢幻自醒
忘寵辱壽夭不貳一商彭人間終世只須慎芳臭長
分千歲名

五言絕句

壬辰四月念有三日附 鶴々公子之驥尾

觀北澤村藤花奉和 公子瑤韻

紫藤低發處好是一溪間雖有數人至山村元自閑

次韻服部君題畫見惠詩

草裡秋蟲鳴自催寂寞心歲華若流水正作感歎吟

牽牛花并引

陰雲不雨花至夕陽猶未萎不復辨鼓子與

牽牛

雲淡天不雨夕陽花尚稠此中將錯認鼓子與牽牛

田子浦

亭々清見寺三穗松原中海嶠晴堪畫賞心不可窮

常州土浦

峰高筑波山水清霞浦灣見茲山水秀旅客正開顏
觀碁五首

終日飽餐人難哉無用意聖言曾許碁為此賢乎已
賢人拙似憂愚者工如嗜試取佛經看碁是別有智
閱碁催酒詩堪樂詎勞思賒郡宋文帝後人總作嗤
對局忘餐飯曉哺已失期諺言計親死答後尚敲碁
晉公最相嗜王隱甚禁斯彼此何須論不關餘力時
六言絕句

初春久野氏宅集四首

池上厚冰未消餘寒勁八重貂英雄騷客皆集今日

何厭路遙

東風卯色春天恰是如籠瑞煙此日相逢詩友喜見
好書數篇

得書招訪詩寮席上瓶花頗饒逸興牽來堪樂共題
後感同調

偏喜屢見同盟錦繡文誰得爭羣集諸君豪傑預思
身後英名

登日光山恭拜

東照神君闕宮

日本國中歡太平何歆唐土聖人氓全憑
東照神恩德從是以來無樹兵

登久能山恭拜

東照公闕宮

神君威德何么麼黔首于今得泰和二百年前都幾
戰不揮刀劔屈兵那

岐岨道中

客裡不思行路難朝々早發愛青巒心情自笑如支
遁吟盡囊中詩若干

春過鎌倉

聞說將軍全盛日相攸東海奠鎌倉卽今城跡何攸
在二麥唯看色鬱蔥

銅雀瓦硯

銅雀臺頽知幾年惟今只見瓦成研每磨香墨猶堪
想魏主存亡在史編

奉次林子元日高韻

萬邦總迓太平春喜見時々物々新各
酒家々僉祝此良辰

正月二日觀試龍舟

仰觀江上試龍舟錦纜蘭橈映碧流這裡最宜太平

象榜人齊唱醉中謳

次韻大槻磐溪丁酉元日詩曆作

正旦天雞三發聲五星歷々七星明九春遊客十分醉十二律清成鳳鳴

詠梅雪

六出花兼五列梅紅々白々一時開嬋妍相照愈添色此興成媒句忽裁

柳

堤柳清陰一葉舟漁翁幸得釣詩鉤縮枝不用送人去終日青々百尺長

東叡山觀花

滿山櫻樹雪爲堆樹下成羣酒競開最斂殘陽堪惜處晚鐘一々度花來

池田侯公子席上詠瓶梅

一瓶紅色一瓶白花是凝香葉是青綺席何知風與雨不曾忽地作凋零

清明後一日遊衆樂園

衆樂園佐竹侯別莊也

曾觀詩聖堂詩集衆樂園中絕景多想像重々更無限卽今何幸看吟哦

名園初見二十景得々探來萬象羅詩佛老人曾所
賦吾儂才拙叵賡歌

撚髭堂三月課題

撚髭堂西鯖江侯堂號也

江南江北不勝春灼灼桃花到處新今日幸生無事
世避秦何羨武陵人

右桃花

霏々細々雨如煙萬紫千紅未放妍連日春霖何破
塊這中便是釀花天

右春雨不止

四海如今仰聖明仁風到處足歡情暮春春服初成
日總有悠悠點也情

今江右春情開葉間幾卷日晴歸出林杪
峽中作

甲陽山路度層巒寂莫茂林風雨寒鄉國不知何處
是白雲千里渺漫々

遙望鄉園路不窮頻催歸思驛樓中回首蕭索空山
外杜宇堪悲夜半風

門前有人賣魚苗

魚苗來賣過門譁競擲青錢先欲賒白玉盤中整斜

影僧家喚做水梭花

山地蕉窓宅會夜聞流水席上卽事

夜坐閑亭作獨吟一輪明月照禪心寂寥人定方過
後惟聽高山流水音

牽牛花

奇花數種綻晨光膩紫嬌紅似競妝堪笑秋來忙甚
矣朝々檢去繞庭墻

今日豫占明日開葉間幾蒼已相催此花休道須臾
物自夏涉秋詩作媒

花能碧々葉蔥々花葉相重倚露叢休怪秋來頻早

起清晨待汝拆西風

不忍池見蓮花浴鷺

紅蓮白藕淺還深浴鷺成雙立水潄兩箇風光真盡
本更爲詩料入新吟

呈增上寺本坊中教音和尚

吾儂常欲問平安走吏從來事萬端豫願秋風蕭寂
夜松間高迓月明看

吟月下吟

這是湖南老圃家不材誤託醉生涯堪嗤本以腰鎌
質却向諸君吟月歌

不刊堂文集初稿卷之四
戊申七月盡日同篠原氏及伊藤氏登愛宕山
宕丘之頂四時好臨海游山興不空雖有清醇禁肉
食晉朝遙憶郭文風

食月餅

中秋爭待月明天製餅家々能樣圓老父喜看今夕
會兒童相伴不曾眠

荻生君宅詩會通題寒夜聞雁探韻得元

寒宵披帙坐文園南雁成羣相度繁底事近來音信
少聲々驚却旅人魂

玉池吟社課題二首

吹起西風暑自清新來過雁兩三聲故園千里音書
絕聞汝爭堪孤客情

右初雁

月輪輾上暮山頭影落澄江銀浪浮一葉泛秋堪滌
暑吟胸無地著些愁

右月泛

乙巳應命恭詠園中菊
籬菊花開秋杪天濃黃淡白盡清妍斯辰誰數陶兼
屈最殿衆芳偏耐憐

賈韻奉謝海野大夫見贈作

木葉染成如錦繡，黃々赤々盡爲奇。今秋漸至甲中道，風景端如執政詩。

十三夜望月

九月十三夜月清二分未滿十分明，餘光借得觀周易，便覺幾望殊有情。

本邦十三夜翫月既有大臣道長詩載無題詩集，按明十二家詩有鄭少谷河太復十三夜翫月詩，則不獨此方也。

詠紅葉

一樹森々一樹零，南枝赤々北枝青，落聲如雨馨如

藍葉々染成連畫屏。

歲市立春

臘節已迎春節來，街頭歲市氣豪哉，直到夜深猶未絕，千叫萬聲喧似雷。

除夜

送舊迎新直達晨，笑他爲利困風塵，官居不省忙如許，門寂曾無賚債人。

人事繽紛餞歲天，東街西陌客催錢，三杯便是堪當富，一醉拌來不守年。

奉賚

烏山侯題男節庵詩集之高韻恭呈

左右

吐出錦心兼繡腸篇々瓊什也瑤章鎮長如值開花
節一唱三歎四壁香

山店讀書

一入山中枕帶寧終朝無客叩巖扃世間榮辱不曾
識案上閑看道德經

國府臺懷古

總國鴻臺利水溇詩人携手此相尋熟看義廣古城
趾只有菁蔥松樹林

笑中有劍

大事見通鑑高宗譜

栗子毛毬罅發辰黑皮含笑色偏新不知斯裡有刀
劍刺殺世間多少人

白氏文集笑中有刀潛殺人

不飲盜泉之水
五穀難登已歷年路頭轉死最堪憐世人飢渴知多
少君子何曾飲盜泉

劉向節士篇孔子不飲盜泉之水家語孔子忍渴
亦于盜泉

忘日

不飲盜泉之水

八

新水新茶手自煎，家人慣得供靈前。忘辰今日神如在，一穗焚香拜祖先。

忘日忘辰並同下學集，忘日非以死爲不祥，忘避此日極於念亡人而不敢盡心於他事之義也。

偶成

夜擁肉屏誰煖足，獨成微醉也微吟。我妻生日全貞節，今日追思情更深。

天寶遺事楊國忠冬月妓女圍之號肉屏風山谷詩小姬煖足臥或能起心兵

次韻男亭病中作

公勤私務兩難除，東走西趨無暇梳。嗟我生涯塵裡老，近來閑却案頭書。

薩州侯世臣相良秋山君見惠櫻洲乾蘿蔔并詩次韻以謝

蘿蔔惠來偏耐尊，東方真少價無論。光陰如矢稽酬報，已到秋蟲吟草根。

送龍崎冠東之薦野

無寒無熱暖及時，好向鄉園薦野之。五十三亭山水富，行々相對耐吟詩。

述懷并小引

晉史戎性好興利每自執牙籌晝夜算計常若不
足予與此異故賦

晉代王戎常好財晨昏算計猶無足我儂何也與斯
同晝對書窓夜對燭

述懷三首

三屬度支官下吏時々娛樂又艱辛何當出此嫌疑
裡蚤作清閑無事人

近免風塵人事滋身稱仕隱不低眉題詩堪樂也堪
息纔脫瓜田李下疑

一年三百六十日日々偷閑謾作詩人世真無如適

意任他俗子喚成癡

前對搭

初春郊行

桃花未發梅花發燕鳥不飛黃鳥飛堪賞春光何過
半詩人微醉月中歸

後對搭

次韻松崎慊堂先生見惠作

偶讀清詞麗句新村莊却羨靜閑春隱潛林裡英雄
子問訊世間多少人

仄韻詩

入詠蝶螻

雨收雪霧未全晴向日脩生五彩螻如缺半輪暫也
停微風雖戰無相動

物體

對春興

春風春日春景宜詞客騷人構新詩歲々頗雖催此
興艷陽天氣最稱奇

詩餘

調寄賀聖朝影

新年作

辭臘邀春物々更動歡情四溟罄作聖人氓賞昇平
○翠竹蒼松戸々呈喜文明行商已鬻笛聲鶯報新
聲

調寄調笑令

蟋蟀蟋蟀草裡屢鳴不歇一聲聲有餘歎攪得一宵
睡難難睡難睡蟲也使人傷意

自調寄花心動

詠扶桑花

瓶裡扶桑葉青青々花紅々尤堪愛朝發夕焉從夏臻
秋自是催風流會窓前玩弄還圖畫杯酒漸傾詞新

裁歡娛極看茲夭壽偏憐嬌態○此樂難人共話飽
觀盡晨昏賞心清快總向妖嬈悉解憂愁雅俗誰能
睚眦樹枝長短違今古一成國號猶無廢扶桑樹榮
名自聞海外心便

不求堂文集初稿卷之四 終

跋

昇平之化文運日熾而諸名家撰著月夥矣妍焉麗
焉雖然行文之機助詞失規詠歌之和聲音外矩而
照乘之珠瑜不揜瑕者往々有之惜哉蓋長物視韻
學而疎斥之故也已今閱吉田君集有斯弊者幾希
君嘗入吾明音齋問音學者才二三未知研究焉乎
否也而何其助詞聲音合乎規矩者之剽也於是乎
諸名家亦將避三舍矣讀之者豈不珍而貴之邪若
夫文思筆力則澤槻二子悉之余不復疣也

嘉永二己酉十二月

赤城大澤齋題

嘉禾二日酉十二月
夫文思蓬式似羣魁二千卷之全不野我少
精於案亦深幾三合矣歸之青世不似而貴之
香此而神其也隨聲音合平賦我亦之陸少效
次嘗入吾門音微問音學者太二三未快悔矣
活板為之欲無誤字然有烏焉馬之謬見者正之
可也宋宣獻博學喜藏異書皆手自仇校常謂校
書如拂塵一面拂一面生每三四校猶有脫誤誠
然哉

江都 鳳齋 中根琛誌

